



UNIVERSITÄTS-
BIBLIOTHEK
PADERBORN

Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 3. Desumpta ex cap. 7. lib. Exodi, in quo describitur Moysis assumptio in Deum Pharaonis: mutatio aquæ fluminis in sanguinem.

[urn:nbn:de:hbz:466:1-61252](https://nbn-resolving.de/urn:nbn:de:hbz:466:1-61252)

salutem necessariis te instructum, eò certius salvarem. Ego sum vita. Corpus meum in cibum tibi obtuli, ut eò dignè refectus viveres in æternum, & post tanta gratiarum effusa in te flumina conqueri cogor: Ego sum Jesus, quem tu persequeris? quid ad has querelas respondebit Christianus: nonne totò corpore tremens, ac stupens, horribili ejulatu suam execrabitur perfidiam?

Doctrina 3.

Desumpta ex cap. 7. lib. Exodi, in quo describitur Moysis assumptio in Deum Pharaonis: mutatio aquæ fluminis in sanguinem.

Considera 1. **Q**uomodo Moyses, qui paulò ante linguæ suæ bal. N.85. butientis defectum fuerat contestatus, cùm dignitate efferratur à Deo, ut non tantum Jūdex, sed Deus Pharaonis constituantur. Verba S. Scripturæ sunt, v. 1. h. cap. Ecce! constitui te Deum Pharaonis, & Aaron frater tuus erit Propheta tuus. Ita sane dignitate & honore neminem dignorem habet Deus, quām qui se illō indignum reputaverit. bona humilitas, ait S. Ambros. in Psal. 118. Serm. 14. que nihil appetendō, quod contemnit, adipiscitur, dum Gedeon ab Angelo proclamat Dux universi populi, respondet Judicum 6. In quo liberabo Israēl? ecce familia mea infima est in Manasse, & ego minimus in domo patris mei. Johannes Baptista declaratur maximus inter natos mulierum Joan. 1. qui tamen indignum se profitetur, ut Christo solvat corrigiam calceamentorum. Petrus à Christo in Petram, & totius Ecclesiæ militantis caput eligitur, qui tamen Lucæ 5. clamat: Exi à me Domine, quia peccator ego sum. Videbantur quidem Magi Āgyptiaci non solum primos inter homines, sed inter ipsos Deos ponendi, dum occultâ Dæmonis virtute virgas suas in serpentes convertere sunt visi: sed cùm id prodigii non absque grandi superbia & elatione animi factum sit ab illis; hinc unica virga humili Mihi Moysis omnes eorum virgas devoravit hujus cap. v. 13. Sic Deo nihil frequentius est: quam superbis resistere, humilibus autem dare gratiam & gloriam. Noverat hoc Philippus II. Hispaniæ Rex, & hinc in emblemate sibi pilam depingi voluit quæ jactata in altum, in humum delapsa resiliebat cum hac inscriptione: Percussa, & suppressa elevor. Deipara Virgo Brigittam Christo filio suo commendatura, ut eam cœlestibūs repleret donis,

O 3

audiit

audiit ab illo : qui querit sublimia, necesse est, ut prius agat fortia, & exerceat humilia. Tria igitur ei sunt necessaria, inter quæ primum humilitas, per quam sublimitas obtinetur &c. purpura ascendit ad regalem ornatum ; at constat illam ex profundissimo pelago prius extrahendam esse. Propheta Regius describens Portenta divinæ manus exclamat Psal. 134. *Educens nubes ab extremo terre. Quid? tam speciosus ille cœlorum ornatus, tot variis coloribus tinctus, ex infimis & abjectissimis terræ angulis latebrisque prodeat?* cur non ex media saltem aëris regione ? S. August. cum S. Hilario respondent querenti: per illas nubes intelligi Apostolos, Prophetas, Prædicatoresque: Origines verò omnes Electos Dei, qui ab infima & vili, hoc est à profunda humilitate, ob quam se vilissimos aestimant, velut nubes subleventur ad cœlestem Paradisum. Verba præfati Origenis sunt in Jerem. *Video : quomodo ab extremis terre educat Deus has corporeas nubes propterea si velimus nubes fieri, ad quas perveniat veritas Dei, novissimi omnium fiamus : nam inquit psalmus : Veritas tua usque ad nubes.* Non potuisset Christus dicere se Alpha, nisi dixisset se pariter Omega. Non potuisset vocare se Principium, nisi vocasset se pariter Finem. Non potuisset Assessor fieri paternæ dexteræ, nisi descendisset ad inferos. Non potuisset asse qui Nomen, quod est super omne nomen, nisi prius tulisset nomen vermis. Quare ô Christiana anima ! exaltari si cupis, obsecunda monitis Prophetæ Psal. 95. cantantis: *Tollite hostias, & introite in atria ejus.* & quænam hæ hostiæ, quæ ad Paradisum usque sublevant? reponit S. August. in hunc locum scribens: *Cor humile. Et idè si velis ad e sublevarti: cùm humili corde intra in domum Dei, & cùm hostia intrâisti ; si autem superbus es, inanis intras.*

N.86. Considera 2. Quam severè Talionis pœnam vindex scelerum Deus exigat: dum per Virgam Moysis extentam super flumen, in quod projecti antea fuerant parvuli suffocandi, omnes aquæ miraculosa metamorphosi in sanguinem transiere: quô factò coacti sunt Ægyptii loco aquæ bibere sanguinem. Sic Goliath eodem ense, quem in caput Davidis strinxerat, proprium perdidit caput. Sic Aman ex eodem patibulo, quod Mardochæo erexerat, pendere visus est. Sic eodem igne, quem tribus pueris carnifices Babylonici succenderant, consumti sunt. Purpuratus ille Euclio, licet totus flammis immersus federet, linguae tamen solius pœnam conquerebatur. Cautam hujus detegit S. Chrysologus Serm. 12. dicens: *Si te gehenna flamma complebitur,*

Citur, quare solius lingua cibis desideras subveniri? quid fitis extremi digiti guttam, quam si vel solam dedisses pauperi, non fitires? anno supra millesimum octogesimò quartò Henricus III. Imperator Romæ commorans, in Aventinum montem se recepit, Deoque Sacrisque vacare cupiens impensiùs, B. V. Mariæ ædes saepius frequentaverat: cum ecce! nescio quô malo instigatus geniò, homuncio quidam infima de plebe ei mortem moliri, ingensque saxum in transeuntis caput provolvere cogitabat; sed illico pœnam talionis sensurus, necem quam Imperatori paraverat, ipse subit: movens enim saxum, cuius oneri regendo par non erat, præceps cum ipsa mole devolvitur, & perit, illud Siracidis dictum suò testatus exemplò verissimum esse: *Qui volvit lapidem, revertetur ad eum.* Proverb. 26. Ita Deus æquissimum agit Judicem non Tyrannum, dum isthoc pœnarum genere utitur ad vindicanda scelera: quid enim justius: quām illis ipsis confodi jaculis, quibus proximum inimica manus confederat? quid justius, quām eo confundi ferrò, quod quis in alterius caput strinxerat? quid justius: quām illum spoliari divitiis, qui rapuit alienas? Justissimam hanc velut exactissimam jam pridem decantavit Vates regius Psal. 7. Convertetur dolor ejus in caput ejus, & in verticem ipsius iniquitas ejus descendet. Vide ergè Christiane Lector: ne illud ipsum malum, quod stimulante irâ vel invidiâ proximo inferre paras, in tuum redundet caput, & non sit instar illius gladii, de quo citatus asserit Propheta: *Gladius eorum intret in corda ipsorum.* Psal. 36.

Doctrina 4.

Desumpta ex cap. 8. lib. Exodi, in quo describitur Plaga ranarum, muscarum, & irriti conatus Magorum &c.

Considera: PLurimos peccatores imitari Pharaonem, qui avidè quidem cupiunt à Rana malæ conscientiæ liberari, sed hoc grande negotium procrastinant, dum pœnitentiam differunt de die in diem, de Festo in Festum. Per servidas Moysis preces liberandus à Ranis Pharao, non jam præsentem, quô actu cruciabatur, diem, sed futurum petiunt: quis hanc non damnet amentiam? posse illâ adhuc horâ, quâ tormentum hoc gravissimum patiebatur, liberari, & velle exspectare crastinum? Quid in crastinum differt, contra peccatorem Pharaonis N.87.